

# Teutonismus

## Inhoitsvazeichnis

**Bedeutung**

**Im Boarischn**

**Begriffsfindung**

**Kritik**

**Austriazismus, Helvetismus**

**Beleg**

Beleg

**Schau aa**

## Bedeutung

In da wissnschaftlichn Vawendung vaschded ma unta am Teutonismus Schprachfänomene de aus da Bundesrepublik Deitschlaund kemma. Gmoa san damid "**bundesdeutsche**" Weata, Ausdruck oda Sprachfoamen, de in Estreich oda da Schweiz gor ned oda so ned voa kemma. Analog dazua nennt ma so ebbs Austriazismus wann des Fenomen ausm estreichischn Sprachraum kimmt oda Helvetismus wanns ausm schweiza Sprachraum kimmt.

Manche deitsche Weata san in Estreich oda da Schweiz in da doatign Deitschvariantn entweda

- komplett unbekannt
- signifikant sitna ois wia in Deitschlaund, oda
- sie wean zwa' vaschdandn, awa aktiv ned vawend

Es kennan a Weata ois Teutonismus empfundn wean, de eigantle aus ana aundan Schbrach schdauman und zum Baischbui iwa de deitschn Medien vabrait woan san. Iwa de modean Massnmedien und do foa ollem duach s deitsche Satelittnfeansehn und in Bühnendeitsch sinkronisiasde Kinofuim wern vui *Teutonismen* aa in winkl vo Estreich und da Schweiz vabreit, de bslang damid wenig in Berahrung kemman san und natürle aa vui heifiga ois davo.

## Im Boarischn

Im Boarischn Sprachgebiet san *Teutonismen* oda *Austrizismen* oftmois Variantn vom jeweilign Dialekt. Im neutral wissnschaftlichn Sinn koos dahea eigantle koan Teutonismus im Boarischn gem. Aa im oblehnadn Sinn gibts den Begriff ned, es wead awa haiffig *Preissisch*<sup>[1]</sup>, ois huiflose



Teutonismen san schbrochliche Bsondaheitr fu Deitschlaund

Feststejjung vo da Weidaentwicklung und Vajüngung vom Boarischn, vawendt.

## Begriffsfindung

Mid am *-ismus* klassifizierd ma, in dem Foi neutral, wissnschaftle beobachtn, an Einfluss vo oana Sprach auf a andane. Ma hängt nacha vor de Nochsui (Suffix) a jeweilige Voasuim (Präfix) hi, meist a latinisierde Foam vo da Sprach wos heakummt.

Des Woat *Teutonismus* leit se wiedarum vo dem lateinischn Woat *Teutones* oda *Teutoni* (vo de oid-remischn Autorn ois Synonym fua Germanen vawendt) und dem oidgermanischn Woat *'thioda* oda *thiodisk* (heid schreibt mas *deutsch*) ob. Aa im Ausland wead heidzdog (z. B. englisch *teutonic*)' ois Synonym fua *deutsche Eingheitr*<sup>[2][3]</sup> oda fua *Deutsche gnomma*.



Deitsch ois pluarizentrische Schbroch in da Schwaiz, Estereich und Deitschlaund

### ■ Germanismus oda Germanizismus

Warad desweng inkoarekt wai Boarisch, Estreichische Standardsprach und Schwizadütsch genau so geamanische Schbrochn san wia Hochdeitsch. Des Begriff war aussadem scho vagem fua Deitsche (und damid aa boarische) Ausdruck oda Eingheitr in andane, ned deitschstämmige Sprachn. (Beispui: Kindergarten im Englischn: *kindergarten* oda *I remember me* statt *I remember*)

### ■ Binnendeutsch

Klingt easchtns hoiprig und hod zwoatns de nem-Asoziation dass a nu a "aussndeitsch" gawad. Damid warad Deitschlaund in da Mit und de aundan Lenda in denan Hochdeitsch Aumtsschbroch is waradn daun begriflich draust und hedn a nix zum midren (zum Beispü bai ana Rechtschreibfoam).

### ■ Reichsdeutsch

Fria hod ma zwischn "Reichsdeutsch" (im Deitschn Reich drinan) und "Volksdeutsch" (ois wos deitsch is, owa aussahoib fu Deitschlaund) an Untaschiad gmocht. Oi zwoa Begrif san owa komplet mim Dritn Reich und da Zeid fum Nazionalsozialismus fabundn, das ma s neama heanema kau.

### ■ Bundesdeutsch

So laungs de DDR nu gem hod, hod ma zwischn "bundesdeutsch" (aus da BRD) und "ostdeutsch" (aus da DDR) an Untaschiad mocha kina. Owa heit gibt s jo nua mea oa gross Deitschlaund und aussadem san a de "Republik Österreich" und de "Schweizerische Eidgenossenschaft" oi zwoa fedarale Bundesrepublikn.

## Kritik

Dea Begriff **Teutonismus** is im In- und Ausland aa negativ belegt. So vasteht ma unta am Teutonen zum oan an unghowetn Menschn, gor ois Synonym fua *Biffe*<sup>[4]</sup> vawendt, und zum andan ois Bezeichnung fua a üwasteigats Nationalgfui (vgl. *Chauvinismus*). Neiare Foaschungen bringan as Argument, daß de Teutonen gor nix mid de Deitschn z'doan ghabt hom. Drotzdem setzt se dea aa im Intanationaaln, recht griffige Begriff, aa Dank da gschwindn Vabreitung duach de Medien, oiwei mehra duach.

Dea Begriff is zudem aa no in da Diskussion, wei ma mid am *-ismus*<sup>[5]</sup> aa a Lemsgfui oda a Ideologie ausdrucka koo, zudem grenzt as Voahandnsei vo so am Begriff wann a ned neutral forschnd vawendt wead, de jeweilign üwagreifadn Dialektgebiet (wias Baorische) in eana Staatsgebiet ei, droogt oiso zu ana Trennung bei. Mid an Beitrog hod do aa da Duden gleist, dea bis 1996, oiso bis zua Rechtschreibreform, in da BRD (und nua do, de Estreicha und Südtirola hom des Österreichische Wörterbuch) ois amtlichs Weak fua a einheitliche Rechtschreibung bindnd war. In dem Bundesdeitschn Weak is de Sicht ausm bundesdeitschn Winkl alloa ogseng und deszweng de Schweiza und Estreicha sowia olle Variantn kennzeichnet, de vom Standarddeitschn<sup>[6]</sup> obweicha, ois wia wanns aus na Fremdsprach war. As Österreichisches Wörterbuch gibt oo, an Querschnitt duach den "...gesamten deutschen Wortschatz..." im Weak vorzumhoitn und kennzeichnet deszweng ned ob nua in Esreich oda sunst wo - lasst awa, weil aus estreichischa Sicht betracht ned nua de Kennzeichnung weg, sondan aa an Großteil vo dene Weata, de z. B. nua in Norddeutschland gebreichlich san.<sup>[7]</sup>

## Austriazismus, Helvetismus

---

In da geamanisdischn Schbrochwissnschoft san de Weata Austriazismus fia Fenomen in na Sprach, de aus Estereich kemman und Helvetismus fia soichane aus da Schwaiz, scho laung in Vawendung. Teutonismus is blos de neichasde Woatkreazion, damid ma fia ole drai Lenda in denan Deitsch iwaregional de Aumtsschbroch is, an Begrif hod.

## Beleg

---

- Ulrich Ammon, Hans Bickel, Jakob Ebner u. a.: [Variantenwörterbuch des Deutschen. *Die Standardsprache in Österreich, der Schweiz und Deutschland sowie in Liechtenstein, Luxemburg, Ostbelgien und Südtirol*. Berlin/New York 2004. ISBN 3-11-016574-0.
- Ulrich Ammon: *Die deutsche Sprache in Deutschland, Österreich und der Schweiz*, Berlin/New York 1995.
- Peter von Polenz: *Deutsche Sprachgeschichte vom Spätmittelalter bis zur Gegenwart*, Band III: 19. und 20. Jahrhundert, Berlin/New York 1999. S. 412-453.
- Nicoletta Goldack, *Austriazismen, Helvetismen und Teutonismen unter den Pflanzennamen*, 1996 - 246 Bl. Diplom/Doktorarbeit Duisburg; und
- Ulrich Ammon, *Zur Frage der Teutonismen und zur nationalen Symmetrie in der wissenschaftlichen Behandlung der deutschen Gegenwartssprache*, überarbeitete Fassung eines Vortrags an der University of York, England, am 19. Oktober 1996
- Heinrich Löffler, *Austriazismen, Helvetismen, Teutonismen* : Zu einem tri-nationalen deutschen Wörterbuch, In: *Neuphilologische Mitteilungen*, Jg. 103/2002, H. 2, S. 147-159. Artikel

## Beleg

1. z. B. *Isarpreissisch* fua den ziemlich stark vom Standardeitschn beeinflusstn Neimünchna Dialekt
2. Schaug <http://en.wikipedia.org/wiki/Teutonic>
3. <http://dictionary.reference.com/browse/teutonic>
4. *Archivierte Kopie*. (<https://web.archive.org/web/20080611100135/http://de.wiktionary.org/wiki/B%C3%BCffel>) Archiviert vom Original (<https://giftbot.toolforge.org/deref.fcgi?url=http%3A%2F%2Fde.wiktionary.org%2Fwiki%2FB%25C3%25BCffel>) am 11. Juni 2008; abgerufen am 15. Oktober 2007.
5. *Archivierte Kopie*. (<https://web.archive.org/web/20071114231633/http://de.wiktionary.org/wiki-iismus>) Archiviert vom Original (<https://giftbot.toolforge.org/deref.fcgi?url=http%3A%2F%2Fde.wiktionary.org%2Fwiki%2F-ismus>) am 14. Novemba 2007; abgerufen am 15. Oktober 2007.

6. Des gleich guti aa fúa Berliner, Sächsische oda Noaddeitsche Variantn. - Quejnn: Duden, Aufag Sept. 1991
7. Österreichisches Wörterbuch, 40. Auflage, ISBN 978-3-209-05511-8

## Schau aa

---

- Filip Zesen
- 

Vh „<https://bar.wikipedia.org/w/index.php?title=Teutonismus&oldid=742507>“

---

**De Seitn is zletzt am 3. Meaz 2020 um 08:37 gändert worn.**

Abuaafstatistik

Dea Text is unta da Lizenz „Creative Commons Attribution/Share-Alike“ vafigbor; zuasätzliche Bedingunga kennan owendbor sei. Oazlheitn san in de Nutzungsbedingunga bschriebm.